

## Ka shad Rongkhli ka Raid Nongtalang kaba pher bad ba phylla

**Jowai, Lber, 24** : Ka jinglehmen Rongkhli jong ka Raid Nongtalang ia kaba la pynkhreh bad pynbit pynbiang da ka Kur Pohsnem ka la poi sha kaba kut mynta ka sngi 23 tarik u Lber 2023. Kane ka jinglehmen ka la long hadien ba kano ka kur ne ka Raid Nongtalang kim shym la lah shuh ban pynlong Rongkhli la bun snem mynta. Lah ban pynkymaw ba ka jinglehmen shad Rong Khli ka la thud bad hadien jong ka snem 1986 la lah ban pynlong biang tang

Bteng Sla 7

## Lap u ADC ba don ka jingai ia ka syrnot thok ha ka jingthungkam CRPF

**Shillong, Lber 24**: Ka khubor ba la ioh na ki pulit la iathuh ba u u Additional Deputy Commissioner, East Khasi Hills u la phah ka jingujor ba u la lap ia ka fake Permanent Residential Certificate ne ka syrnot thok ha ka por ba pynshisha ia ki syrnot jong uwei u brieve uba kyrteng u Aman Singh, uba la shah jied na ka kam CRPF ha ka kam CT/GD lyngba ka SCC exam, 2024.

Ha kawei pat ka jingjia ki pulit ki la iathuh ba u Bah

Bteng Sla 7

## Leit tynruh ka WKSU ia ki kam sahden ka West Khasi Hills

**Nongstoin, Lber 24**: Ka West Khasi Students Union sengkmie ka la leit ban iakynduh ia u Deputy Commissioner jong ka West Khasi Hills, ha kaba iadei bad ki mat jong ka roi ka san, ki kam sahteng ha ka District, kynthup ia ka Polytechnic, ITI, District Jail ka District Library bad Auditorium bad ka MCH.

Bteng Sla 7

## Ioh khusnam ka DS Mawrah ba shna ia ka Mawrah Reservoir Project

**Shillong, Lber 24**: Ka Dorbar Shnong Mawrah, East Khasi Hills, ka la ioh ia ka khusnam kum ka nongjop ha ka 4th Water Sustainability Award kaba dei ka National Award, 2024-25 na ka jingshna ia ka Mawrah Reservoir Project ryngkat ka Sorkar Jylla, ban iakhun ia ka jingkyrduh um namar ka jingkylla ka suin bneng.

Ka Dorbar Shnong Mawrah ka la ioh ia kane ka khunnam ha ka kyrdan Ex-

## 625 tylli ki shnong bym don kiba pang TB

# Paw ka Meghalaya kum ka jylla ba khlaiñ tam ban iakhun pyrshah ia ka jingpang TB, 85% kiba koit

**Shillong, Lber 24** : Ka Meghalaya ka la paw kum kawei na ki jylla kaba wan hakmat eh ha ka jingia khun pyrshah ia ka jingpang TB (Tuberculosis) kaba dei kawei na ki jingpang kaba ka tnad ka Koit ka Khiah jong ka Jylla ka buh hakmat eh ban pynkut syndon.

Dang ha u Nohprah 2024 ka la Meghalaya ka la pyllait paidbah bad pyntreikam ia ka thong - 'Ki 100 sngi ki jingia khun kumno ban rat dyngkhong ia ka jingpang TB' da kaba pynsngewthuh

Bteng Sla 5



**Ka Myntri ka Koit ka Khiah Dr. M Ampareen Lyngdoh** katba ka dang sam ia ka khusnam sha ka distrik kaba hakmat eh ha ka jingia khun pyrshah ia ka jingpang TB. (Dur:Synniang)

## Khang khyrdep ka ACHIK ia ki dukan kiba treikam khlem ki laisen kiba biang

**Shillong, Lber 24**: Ka A.C.H.I.K Krima Council ha ka sngi Nyngkong ka la khang khyrdep ia ki katto katne ki dukan bad kumjuh ruh ki kharkhana ha nongbah Tura, kiba khlem bud ryntih ia ki jingbthah jong ka tnad ka koit ka khiah bad treikam khlem ki licence kiba biang.

Ki dukan kiba la shah khang khyrdep mynta ka sngi ka 24 tarik u Lber ki don haduh 146 tylli kiba don ha

Bteng Sla 7

supermarket, ia kaba la kynnoh ba ki la buh ia ki marbam ha paiñkhana bad kumjuh ruh ia kawei ka dukan bad ka kharkhana kaba don ha Nakhm Bazar bad ha Gariamat la khang namar ka jingbym don licence kaba biang jong ka Food Safety and Standards Authority of India (FSSAI).

Ka Council ka la pynpaw ba ki don ki trai

## Ka Jingiaseng Synod Karbi Anglong Presbyterian Church Synod ha Hamren naduh 27-30 tarik

**Shillong, Lber 24** : Ka Jingiaseng Synod jong ka Karbi Anglong Presbyterian Church Synod kan long ha ka Balang Presbyterian Hamren, West Karbi Anglong ha ka 27tarik - 30 tarik Lber.

Ki nongkren ha ka Sngi U Trai ki long Rev. Phillip Hanse, Eld. Robert Senar bad Rev. Premingson Millik.

Ka lynti ban poi sha Hamren ka long ba na bynta kito kiba wan na Ummulog phai sha Khanduli Road bad nangtei ka jngai 38KM haduh Hamren. Na bynta kiba wan na Shillong iaid lyngba ka surok Damsite - Umroi sha Khyndaw Waso iaid beit haduh Nartiang bad na Nartiang ha Khanduli bad Hamren.

Kane ka long katkum ka jingpyntip na u Tbn. Niwel War.

Bteng Sla 7

## Ai jamin ka Gauhati High Court ia u Chancellor Mahbulul Hoque ka USTM

**Shillong, Lber 24**: Ka iingkashari Gauhati High Court ha ka sngi Nyngkong, ka la ai ia ka jamin ba shipor ia u Chancellor ka University of Science & Technology Meghalaya (USTM) Mahbulul Hoque halor ka Dhekiajuli PS case ba kynnoh bam pisa ban pynleh thok ha ka eksamin CBSE.

ia kane ka mukotduma la mudui hapoh ka kyndon 318 (4)/316 (5) / 336 (3) jong

ka Bharatiya Nyaya Sanhita (BNS) bad kyndon 11(1) jong ka Public Examination (Prevention of Unfair Means) Act, 2024.

Ka iingkashari Single Judge Mitali Thakuria ka la ai ia ka jamin ba shipor halor

Bteng Sla 7

## Kynduh ka Shnong ia u DC ka Ri Bhoi ban pyrshah ba ioh ktah ka tyllong umbam na ka surok 4-lane



**Ki nongialam Shnong ka Mawpunkshaid kiba dang kynduh ia u Deputy Commissioner ka Ri Bhoi.**(Dur:Mawphor)

**Nongpoh, Lber 24**: Ka shnong Mawpunkshaid kaba don ha Ri Bhoi District mynta ka sngi ka la leit ban iakynduh ia u Deputy Commissioner ka Ri Bhoi, kaba dei hadien ba ka Dorbar shnong ka la rai ban pyrshah ia ka jingwan ka surok 4-lane na Umiam sha Malidor, ba ka lah ban ktah ia ka tyllong umbam umdih jong katei ka shnong ha ka jaka ba thmu ban pyniaid ia katei ka surokbah.

Bteng Sla 7

# "Na ka jingthmu sha ka jingjop: Kumno ka India ka pynwandur ia ka jingia khun pyrshah ia ka jingpang TB"

## Da u Jagat Prakash Nadda

Ha ka World Tuberculosis (TB) Day, nga pyrkat da ka jingsngew sarong kaba khraw kumno ka India ka thoh biang ia ka kot ha ka jingia khun pyrshah ia ka jingpang TB. Ka jingialang kaba la pynkut dang shen kaba 100 sngi kam shym la pyni tang ia ka bor jong ka jingpynwandur hynrei ka la pyni ruh ba ka jingwanrah lang ia ki brieve ka long kaba

kongsan kumjuh kum ka jingpynkylla ia ka rukom treikam jong ka prokram. La dsang ia ka campaign ha ka 7 tarik, Nohprah 2024 da ki jingthmu ban pynsted ia ka jinglap ia ki nongpang TB, Pynduna ka jingiap bad ban iada na ki nongpang ba thymmai.

Ka TB-Mukt Bharat Abhiyaan kaba 100 sngi ka la wanrah ia ki buit kiba thymmai ban lap kloï ia ka TB, da kaba pynthikna ba wat ia kito ki bym don dak jingpang - kiba lym kumta

kin jin da la jah khlem da lap ia ka jingpang - la ithuh bad sumar. Ia ki kor X-ray ba lah ban rah la rah beit sha ki brieve kiba don ha ka jingma, kynthup ia ki brieve kiba don ia ka jingpang shini, ki nongdih дума, ki nongdih kyriad, kito kiba im bad u khniang jingpang HIV, ki tymmen, kito kiba don ka BMI kaba duna bad kiba iakynduh ha iing jong ki nongpang TB. Ki X-ray ba la pynonkam da ka jingstad thymmai ki la pynpaw mardor ia ki brieve kiba la

suba ba ki don ia ka jingpang TB, bad ia ka jingpynshisha la leh da kaba pynonkam da ki Nucleic Acid Amplification Tests (NAAT). Kine ki jingpyrshang ki la pynthikna ba la ithuh bad sumar kloï ia ki nongpang, tehlahkam ia ka jing saphriang bad iada ia ka jingim.

Ka campaign ka la poi sha man ki kyndong kynshrot jong ka ri, da kaba peit bniah ia 12.97 klor ngut ki brieve kiba don ha ka

Bteng Sla 7

## Da u pud yn buh ka sorkar ban khanglad pynher kali ha ki surok : Bah Sniawbhalang Dhar

**Shillong, Lber 24** : U Symbud Myntri Rangbah ka Jylla ba peit ia ka tnad Transport, Bah Sniawbhalang Dhar ha ka sngi Nyngkong u la pyntip ba shen ka sorkar jylla kan sa wanrah ia ka jingpynbna ban buh kyndon iaka jingpynher kali ha kylleng ki surok khnang ban iada ia ka jingim brieve, ban pynnduna ia ki jingtakuh kali bad ruh ban don ka jingshngain na bynta kiba pynonkam ia ka surok ha ka leit ka wan.

Na ka liang u Symbud Myntri Rangbah haba kren bad ki lad pathai khubor u la iathuh ba ia kane ka rai halor ka jingshngain ha ki lynti syngkien ki la shim ha ka jingialang kaba ki shong ha kane ka sngi bad ki tnad bapher bapher jongka sorkar jylla.

"Ngi dang pynkhreh ia kane bad hapoh ar haduh lai bnai ngin sa lah ban walam bad ka jingpynbna ban tehlahkam ia ka jingpynher

Bteng Sla 7

## Pan jingshai u Justice (Retd) Katakey halor ka kaiphod jurip na suin ia u dewiong ha ki saw distrik

**Shillong, Lber 24** : U Justice (retd) BP Katakey uba khlieh ia ka komiti ba la thung da ka Meghalaya High Court ha ka sngi Nyngkong u la pan jingshai halor ka kaiphod jong ka jingjurip na suin kaba la leh hapoh shi kilomitar sawdong (one KM radius) ia ki jaka buh dewiong ba la lap ha ki saw tylli ki District jong ka East Jaintia Hills, West Khasi Hills, South West Khasi Hills bad ha South Garo Hills.

Haba kren sha ki lad pathai khubor, u Justice Katakey u la ong ba ia kine ki ar tylli ki mat la shim

Bteng Sla 7

## Na jingkieng Umiam noh iap u rangbah na Laban, sei ki pulit, ka kynhun SDRF bad F&ES ia ka met



**U Rangbah ba noh iap ha pung Umiam ba la ioh sei da ki pulit.**(Dur:Synniang)

**Nongpoh, Lber 24**: Uwei u rangbah na Kench Trace Laban u dkhat noh ia la ka jingim da kaba noh iap nalor ka jingkieng Umiam ha ka 23 tarik kaba dei hynnin ka sngi u Blei.

Katkum ka khubor ba la ioh lum la iathuh ba utei u rangbah u la kynthih ha ka nohphai sngi ka sngi u Blei ha ka por kumba 2 baje duna eiei hynrei dei haduh mynta ka sngi ba ki pulit ka Ri-Bhoi lem bad

Bteng Sla 7

## ADVERTISEMENT

Ka Meghalaya Urban Development Authority ka khot aplikeshon ia ki Nongshong shnong kiba don jaka ha Shillong Municipal Area, Mawlai, Pynthorumkhrah, Nongmynsong, Mawpat, Umpling, Nongthymmai, Madanriting, Nongkseh, Umylyngka, Lawsohtun, Sohra, Nongpoh, Nongstoin, Mairang, Mawkyrwat, Khliehriat, Ampati, Tura, Baghmara, Resubelpara, Williamnagar bad Jowai. Ki nong apply ia kane ka scheme kim dei ban hap ha ka jingkorbar jong ka C&RD block.

Ki nong apply kidei ban don iaka ka jaka bathylli ha ka kyrteng jong ki bad iaka jingioh hapoh 3 lakh tyngka shi snem jong ka longiing, ba kin ioh ia ka jing iarap lyngba ka skim Housing For All (PMAY-Urban). Kane ka skim ka kynthup ia kane ka bynta:

**Beneficiary Led Construction:** Kane ka scheme ka ai ruh iaka jingkyrshan ne ka grant haduh 2.5 lakh tyngka haka instalment, katkum ka jing pyndep iaka iing, na bynta kito kiba kwah ban shna iaka iing thymmai.

Ki brieve ki lah ban apply bad ban wad jingtip shuh shuh lah ban contact bad wanrah iaki kot ki sla ba Xerox kumka Aadhar Card, PAN card, Scheduled Tribe Certificate, Voter's ID card, Income Certificate/ Sale Deed/ Patta, bad ka bank passbook, 2 tylli ki dur passport size, shuwa ka tarik **30 tarik Iaiong 2025** sha U:

- The Secretary,** Meghalaya Urban Development Authority, MUDA Complex, 2nd Floor, Police Bazar, Shillong 793001.
- The Deputy Commissioner,** Mairang.
- The Chief Executive Officer,** Municipal Board, Jowai/Tura/Williamnagar/Resubelpara/Baghmara.
- The Assistant Engineer,** District Urban Affairs, Nongstoin/Nongpoh.
- The Common Service Centre/ Digital Seva,** Shillong/Jowai/Tura/Williamnagar/Resubelpara/Baghmara/Mairang/ Ampati/ Nongstoin/ Nongpoh/Mawkyrwat/Khliehriat/Sohra.

**Ki lah ruh ban apply na ki CSC (Common Service Centre/Digital seva) ne online na ka website PMAY-HFA (Urban)**

Kane ka advertisement kadei tang nabynta ban ialeh iaka demand survey, bad kam ai iaka hok iano iano ruh ban ioh iaka scheme ban shna iing. Iaki aplikeshon ba ioh hap ban peit katkum ka jingbthah jong ka sorkar pdeng.

Sd/-  
**Secretary**  
Meghalaya Urban Development Authority,  
Shillong.